

田  
一  
張  
取  
書





碧天  
秋娘  
翠金毛本首句作碧天書  
信斷娘作娥針作鉤

燭影搖紅  
大石調

壽荷塘時荷塘寓京

西子西湖賦情合載鴟夷棹斷橋直去是孤山應為梅  
花到幾度吟昏醉曉背東風偷閒鬪草亂鴉啼後解佩  
歸來春懷多少千里嬋娟茂園今夜同清照櫻脂茸  
唾聽吟詩爭似還家好昵昵西窗語笑鳳雲深瓊簫縹  
緲願春如舊柳帶同心花枝壓帽

題毛本作毛荷塘生日  
留京不歸賦以寄意

又

麓翁夜宴園堂

新月侵階彩雲林外笙簫透銀臺雙引繞花行紅墜香

沾袖不管籤聲轉漏更明朝棋消永晝靜中閒看倦羽

飛還遊雲出岫隨處春光翠陰那只西湖柳去年谿

上牡丹時還試長安酒都把愁懷抖擻笑流鶯啼春漫

瘦曉風惡盡妒雪寒消青梅如豆

題毛本麓翁作亭那只惡盡毛本只作抵寒消原鈔

又梅从青梅句毛本作梅

餞馮深居翼日其初度

飛蓋西園晚秋卻勝春天氣霜花開盡錦屏空紅葉新

裝綴時放清杯汎水暗淒涼東風舊事夜吟不絕松影

裝綴時放清杯汎水暗淒涼東風舊事夜吟不絕松影

闌干月籠寒翠 莫唱陽關但憑綵袖歌千歲秋星入  
夢隔明朝十載吳宮會一棹回潮度葦正西窗鐙花報  
喜柳蠻櫻素試酒爭憐不教不醉

卻勝

毛本卻作恰

時放

原鈔放作泛从毛本

不絕

毛本絕作就

又

元夕雨

碧澹山姿暮寒愁沁歌眉淺障泥南陌潤輕酥鐙火深  
深院入夜笙歌漸煥綵旗翻宜男舞徧恣遊不怕素襪  
塵生行裙紅濺 銀燭籠紗翠屏不照殘梅怨洗妝清  
靨溼春風宜帶啼痕看楚夢留情未散素娥愁天深信  
遠曉窗移枕酒困香殘春陰簾捲

清靨

原鈔清作素按前後六調是處無用去聲者从毛本

天深

毛本深作長

又

壽嗣榮王

天桂飛香御花簇座千秋宴笑從王母摘仙桃瓊醴雙  
金瓊掌上龍珠照眼映蘿圖星暉海潤浮槎遠到水淺  
蓬萊秋明河漢寶月將弦晚鉤斜挂西簾捲未須十  
日便中秋爭看清光滿淨洗紅塵障面賀朝霖催班正  
殿喜回天上紫府開筵瑤池宣勸

蘿圖

毛本蘿作羅

浮槎

原鈔浮字闕从毛本

又

賦德清縣圃古紅梅

莓鎖虹梁稽山祠下當時見橫斜無分照谿光珠網空  
疑徧姑射青春對面駕飛虬羅浮路遠千年春在新月  
落池黃昏山館花滿河陽爲君羞褪晨妝禱雲根直  
下是銀河客老秋槎變雨外紅鉛洗斷又晴霞驚飛暮  
管倚闌祇怕弄水鱗生乘東風便

又

越上霖雨應禱

秋入鐙花夜深檐影琵琶語越娥青鏡洗紅埃山鬪秦  
眉嫵相閒金茸翠畝認城陰春耕舊處晚春相應新稻  
炊香疏煙林莽清磬風前海沈宿嫋芙蓉炷阿香秋  
夢起嬌啼玉女傳幽素人駕梅槎未渡試梧桐聊分宴

俎采菱別調留取蓬萊霎時雲住

梅槎毛本梅作海

醜奴兒慢 黃鍾商

雪麓翁飛翼樓觀

東風未起花上纖塵無影峭雲溼凝酥深隴乍洗梅清

釣捲愁絲冷浮虹氣海空明若耶門閉扁舟去嬾客思

鷗輕幾度問春倡紅冶翠空媚陰晴看真色千巖一

素天澹無情醒眼重開玉鉤簾外曉峰青相扶輕醉越

王臺上更最高層

醜奴兒慢原鈔慢字脫毛本同从王校題毛本作麓

觀毛本丙稿複刻作愁春未醒題翁飛翼樓  
越王二句毛本複刻作越山  
雪毛本作



又

雙清樓 錢塘門外

空濛乍斂波影簾花晴亂正西子梳妝樓上鏡舞青鸞  
潤逼風襟滿湖山色入闌干天虛鳴籟雲多易雨長帶  
秋寒 遙望翠凹隔江時見越女低鬟弄堪羨煙沙白  
鷺暮往朝還歌管重城醉花春夢半香殘乘風邀月持  
杯對影雲海人間

木蘭花慢

題 毛本錢塘上有在字 低鬟 原鈔作鬟低毛本同從歷代詩餘

遊虎北 陪倉幕時魏益齋已被親擢陳芬窟李方庵皆將滿秩

紫騮嘶凍草曉雲鎖岫眉顰正蕙雪初消松腰玉瘦憔悴眞眞輕藜漸穿險磴步荒落猶認瘞花痕千古興亡舊恨半些殘日孤雲開尊重弔吳魂嵐翠冷洗微醺問幾曾夜宿月明起看劒水星紋登臨總成去客更輒紅先有探芳人回首滄波故苑落梅煙雨黃昏

曉雲鎖

原鈔鎖作銷毛本同從歷代詩餘

又

重遊虎北

步層北翠莽□□處更春寒漸晚色催陰風花弄雨愁起闌干驚翰帶雲去杳任紅塵一片落人閒青塚麒麟有恨臥聽簫鼓遊山年年葉外花前腰豔楚鬢成潘

歎寶奩瘞久青萍共化裂石空磬塵緣酒沾粉汗問何  
人從此濯清泉一笑掀髯付與寒松瘦倚蒼巒

□□處

腰豔楚

毛本闕文未  
空格腰作嬌

又

送翁五峰遊江陵

送秋雲萬里筭舒捲總何心歎路轉羊腸人營燕壘霜  
滿蓬簪愁侵庾塵滿袖便封侯那羨漢淮陰一醉蓴絲  
膾玉忍教菊老松深離音又聽西風金井樹動秋吟  
向暮江目短鴻飛渺渺天色沈沈沾襟四絃夜語問楊  
瓊往事到寒砧爭似湖山歲晚靜梅香底同斟

題

毛本陵  
字脫

舒捲

目短

毛本舒捲作  
捲舒短作斷

又

重泊垂虹

酌清杯問水慣曾見幾逢迎自越棹輕飛秋尊歸後杞  
菊荒荊孤鳴舞鷗慣下又漁歌忽斷晚煙生雪浪閒消  
釣石冷楓頻落江汀長亭春恨何窮目易盡酒微醒  
悵斷魂西子淩波去杳環佩無聲陰晴最無定處被浮  
雲多翳鏡華明口曉東風霽色綠楊樓外山青

題

毛本垂虹  
二字脫

又

餞韓似齋赴江東離幕

潤寒梅細雨捲燈火暗塵香正萬里胥濤流花漲膩春

共東江雲檣未傳燕語過  
翠懸垂柳舞鵝黃  
留取行人

繫馬輭紅深處聞鶯  
悠颺霽月清風凝望久  
鄧山蒼

又紫簫一曲還吹別調  
楚際吳笳仙方袖中祕寶  
遣蓬

萊弱水變飛霜寒食春城  
秀句趁花飛入宮牆

題原鈔巖作醜毛悠颺鄧山毛本悠颺在疑望下

寰宇記江南東道明州理鄧縣宋史食貨志鹽法在

浙江曰明州昌國東西兩監鄧屬均州與巖幕無涉

又

餞趙山臺

指翠懸曉月動涼信又催歸正玉漲松波花穿畫舫無

限紅衣青絲傍橋淺繫問笛中誰奏鶴南飛西子冰綃

冷處素娥寶鏡圓時 清奇好借秋光臨水色寫瑤巖  
向醉中織就天孫雲錦一杼新詩依稀數聲禁漏又東  
華塵染帽檐緇爭似西風小隊便乘鱸膾秋肥

又

施芸隱隨繡節過浙東作詞留別用其韻以餞

幾臨流送遠漸荒落舊郵亭念西子初來當時望眼啼  
雨難晴娉婷素紅共載到越吟翻調倚吳聲得意東風  
去棹怎憐會重離輕 雲零夢繞浮觴流水畔敘幽情  
恨賦筆分攜江山委秀桃李荒荊經行問春在否過汀  
洲暗憶百花名鶯縷爭堪細折御黃隄上重盟

喜遷鶯

太簇宮中管高宮

同丁基仲過希道家看牡丹

凡塵流水正春在絳闕瑤階十二煥日明霞天香盤錦  
低映曉光梳洗故苑浣花沈恨化作妖紅斜紫困無力  
倚闌干遺倩東風扶起公子留意處羅葢牙籤一一  
花名字小扇翻歌密圍留客雲葉翠溫羅綺豔波紫金  
杯重人倚妝臺微醉夜和露翦殘枝點點花心清淚

浣花

毛本浣  
作浣

又

吳江與閒堂

王鵬庵家

煙空白鷺乍飛下似呼行人相語細縠春波微痕秋月  
曾認片帆來去萬頃素雲遮斷十二紅簾鉤處黯愁遠

向虹腰時送斜陽凝竚 輕許孤夢到海上璣宮玉冷  
 深窗戶遙指人閒隔江煙火漠漠水淇搖暮看葺斷磯  
 殘鈞替卻珠歌雪舞吟未了去恁恁清曉一闌煙雨

題

毛本作王體庵與閒堂

璣宮毛本璣作幾

深窗戶

原鈔深作涼从毛本

煙火

水淇

毛本煙作璣

又

福山蕭寺歲除

江亭年暮趁飛雁又聽數聲柔艣藍尾杯單膠牙錫澹  
 重省舊時羈旅雪舞野梅籬落寒擁漁家門戶晚風峭  
 做初番花訊春還知否 何處圍豔冶紅燭畫堂博塞  
 良宵午誰念行人愁先芳草輕送年華如羽自剔短檠



不睡空索綵桃新句便歸好料鵝黃已染西池千縷

知否

原鈔知作春从毛本

又

甲辰冬至寓越兒輩尙留瓜涇蕭寺

冬分人別渡倦客晚潮傷頭俱雪雁影秋空蝶情春蕩  
幾處路窮車絕把酒共溫寒夜倚繡添慵時節又底事  
對愁雲江國離心還折吳越重會面點檢舊吟同看  
鐙花結兒女相思年華輕送鄰戶斷簫聲噎待移杖藜  
雪後猶怯蓬萊寒闕晨起嬾任鴉林催曉梅窗沈月

春蕩

晨起嬾

原鈔春作秋晨作最嬾作晚竝从毛本

探芳信

夾鍾羽

與李方庵聯舟入杭時方庵至嘉興索舊燕同載是  
夕雪大作林麓洲渚皆瓊瑤方庵馳小序求詞且約  
訪蔡公甫

夜寒重見羽葆將迎飛瓊入夢整素妝歸處中宵按瑤  
鳳舞春歌夜棠梨岸月冷和雲凍畫船中太白仙人錦  
袍初擁應過語谿否試笑挹中郎還叩清弄粉黛湖  
山欠攜酒共飛鞵洗杯時換銅觚水待作梅花供問何  
時帶雨鋤煙自種

語谿原鈔語作浯毛  
本同从王校

又

丙申歲吳鐙市盛常年余借宅幽坊一時名勝遇合

置杯酒接殷勤之歡甚盛事也

分鏡字韻

煥風定正賣花吟春去年曾聽旋自洗幽蘭銀餅鈞金  
井斗窗香煥慳留客街鼓還催暝調雛鶯試遣深杯喚  
將愁醒 鐙市又重整待醉勒遊韁緩穿斜徑暗憶芳  
盟綃帕淚猶疑吳宮十里吹笙路桃李都羞靚繡簾人  
怕惹飛梅翳鏡

又

爲春瘦更瘦如梅花花應知否任枕函雲墜離懷半中  
酒雨聲樓閣春寒裏寂寞收鐙後甚年年鬪草心期探  
花時候 嬌嬾強拈繡暗背裏相思閒供晴畫玉合羅  
囊蘭膏漬紅豆舞衣疊損金泥鳳妒折闌干柳幾多愁

兩點天涯遠岫

題

原鈔作春情毛本無題据刪

紅豆

毛本紅上有透字

又

麓翁小園早飲客供棋事琴事

轉芳徑見霧捲晴漪魚弄遊影旋解纓濯翠臨流撫菱  
鏡半林竹色花香處意足多新詠試衣單雁欲來時舊  
寒纔定門巷對深靜但酒敵春濃棋消日永舊曲猗  
蘭待留向月中聽藻池不通原注去聲宮溝水任汎流紅冷  
小闌干笑拍東風醉醒

臨流撫菱鏡

半林

試衣五字

對深靜

春濃

棋消

猗蘭

藻池不通

醉醒

毛本流作杵撫菱鏡三字闕半

作修試衣五字作試把龍脣供對作都春濃作曉寒  
棋作供猗蘭作漪瀾藻池不通作藻蘋密布醉作醇

又

賀麓翁祕閣滿月

探春到見綵花釵頭玉燕來  
早正紫龍眠重明月弄清  
曉夜塵不浸銀河水金盞供新澡  
鎮帷犀護緊東風秀  
藏芝草星斗粲懷抱問霧煥  
藍田玉長多少禁苑傳  
香柳邊語聽鶯報片雲飛  
趁春潮去紅輦長安道  
試回頭一點蓬萊翠小

題

毛本麓翁作不浸毛本浸

聲聲慢

原鈔是調有劉涇  
梅黃金重一闕刪

詠桂花

藍雲籠曉玉樹懸秋交加金釧霞枝人起昭陽禁寒粉  
粟生肌濃香最無著處漸冷香風露成霏繡茵展怕空  
階驚墜化作螢飛 三十六宮愁重問誰持金鍤和月  
都移掣鎖西廂清尊素手重攜秋來鬢華多少任烏紗  
醉壓花低正搖落歎淹留客又未歸

又  
濃香

按香字與下句冷香複疑有一誤

又

四香

友人以梅蘭瑞香水仙供客日四香分韻得風

字

雲深山鳴煙冷江皋人生未易相逢一笑鐙前釵行兩  
兩春容清芳夜爭真態引生香撩亂東風探花手與安

排金屋懊惱司空  
憔悴敲翹委佩恨  
玉奴消瘦飛趁  
輕鴻試問知心尊  
前誰最情濃連呼  
紫雲伴醉小丁香  
纔吐微紅還解語  
待攜歸行雨夢中

伴醉

原鈔醉作最注云當  
作醉毛本同据改

又

陪幕中餞孫無懷於郭希道池亭閨重九前一日  
檀欒金碧婀娜蓬萊遊雲不蘸芳洲露柳霜蓮十分點  
綴成秋新彎畫眉未穩似含羞低護牆頭愁送遠駐西  
臺車馬共惜臨流知道池亭多宴掩庭花長是驚落  
秦謳膩粉闌干猶聞凭袖香留輸他翠漣拍顰瞰新妝  
時浸明眸簾半捲帶黃花人在小樓

題

毛本作閨重

霜蓮

陽春白雪蓮作蓬

成秋

低護

時浸

明眸

毛本成作殘護作度時  
浸明眸作終日凝眸

又

飲時貴家卽席三姬求詞

春星當戶眉月分心羅屏繡幕圍香歌緩□□輕塵暗

簌文梁秋桐汎商絲雨恨未回飄雪垂楊連寶鏡更一

家姊妹曾入昭陽鶯燕堂深誰到爲殷勤須放醉客

疏狂量減離懷孤負蘸甲清觴曲中倚嬌佯誤筭只圖

一顧周郎花鎮好駐年華長在瑣窗

歌緩

暗簌

原鈔緩下未空格簌作  
藪毛本同竝从王校

又



宏庵宴席有持桐子侑俎者自云其姬親剝之

寒笥驚墜香豆初收銀牀一夜霜深亂瀉明珠金盤來  
薦清斟綠窗細剝檀皴料水晶微損春簪風韻處惹手  
香酥潤櫻口脂侵重省追涼前事王風吟莎并月碎  
落陰顆顆相思無情漫攬秋心銀臺翦花杯散夢阿嬌  
金屋沈沈甚時見露十香釵燕墜金

寒笥

十香

毛本管作  
蕭十作拾

又

畿漕新樓

上尹梅津

清漪銜苑御水分流阿階西北青紅朱棋浮雲碧窗宿  
霧濛濛璇題淨橫秋影笑南飛不過新鴻延桂景見素

娥梳洗微步瓊空  
城外湖山十里想無時長啟罨畫  
簾櫳暗柳回隄何須繫馬金狻鶖花翰林千首彩毫飛  
海雨天風鳳池上又相思春夜夢中

又

題

毛本漕下有

銜苑

原鈔銜作銜毛

罨畫

毛本畫

贈藕花洲尼

六銖衣細一葉舟輕黃蘆堪笑浮槎何處汀洲雲瀾錦  
浪無涯秋姿澹疑水色豔真香不染春華笑歸去傷金  
波開戶翠屋爲家回施紅妝青鏡與一川平綠五月  
晴霞頰玉杯中西風不到窗紗端的舊蓮深蕙料采菱  
新曲羞誇秋澹豔對年年人勝似花

題原鈔尼字脫毛翠屋 回施 舊蓮深毛本屋

作首蓮作  
連蕙作意

又

壽魏方泉

鶯團橙徑鱸躍蓴波重來兩過中秋酒市漁鄉西風勝  
似春柔宿壽去年村墅看黃雲還委西疇鳳池去信吳  
人有分借與遲留 應是香山續夢又疑香追詠重到  
蘇州青鬢江山足成干歲風流圍腰御仙花底襯月中  
金粟香浮夜宴久攬秋雲平倚畫樓

題毛本魏

又

餞魏繡使泊吳江爲友人賦

旋移輕鷁淺傍垂虹還因送客遲留淚雨橫波遙山眉  
上新愁行人倚闌心事問誰知只有沙鷗念聚散幾楓  
丹霜渚萼綠春洲漸近香菰炊黍想紅絲織字未遠  
青樓寂寞漁鄉爭如連醉溫柔西窗夜深翦燭夢頻生  
不放雲收共悵望認孤煙起處是州

是州

毛本州作洲

高陽臺

豐樂樓

分韻得如字

修竹疑妝垂楊駐馬憑闌淺畫成圖山色誰題樓前有  
雁斜書東風緊送斜陽下弄舊寒晚酒醒餘自消疑能

幾花前頓老相如  
傷春不在高樓上  
在鐙前敲枕雨  
外熏鑪怕艤遊船  
臨流可柰清臞飛紅  
若到西湖底攪  
翠瀾總是愁魚莫重  
來吹盡香縣淚滿平蕪

題

原鈔無分韻五字毛  
本同從絕妙好詞

垂楊

毛本楊作陽

斜陽

鄭文焯曰斜字與上

句斜書複疑作殘

能幾

怕艤

絕妙好詞能幾作有

莫重來

原鈔重作

愁毛本同從絕妙好詞

又

落梅

宮粉雕痕仙雲墮影無人野  
水荒灣古石埋香金沙鎖  
骨連環南樓不恨吹橫笛  
恨曉風千里關山半飄零  
庭上黃昏月冷闌干  
壽陽空理愁鸞問誰調玉髓  
暗補

香癡細雨歸鴻孤山無限春寒離魂難倩招清些夢縞

衣解佩谿邊最愁人啼鳥晴明葉底青圓

庭上

陽春白雪  
上作院雪

空理愁鸞絕妙好詞作宮裏愁鸞鏡  
杜校云鸞字叶韻後闕詞

場場字亦叶另  
體毛本空作宮

又

送王歷陽以右曹赴闕

淝水秋寒淮隄柳色別來幾換年光紫馬行遲纔生夢  
草池塘便乘丹鳳天邊去禁漏催春殿稱觴過松江雪  
弄飛花冰解鳴璫芳洲酒社詞場賦高臺陳迹曾醉  
吳王重上逋山詩清月瘦昏黃春風侍女衣篝畔早鵲  
袍已煥天香到東園應費新題千樹落蒼

衣篝畔原鈔畔字  
闕从毛本

又

壽毛荷塘

風嫋垂楊雪消蕙草何如清潤潘郎風月襟懷揮毫倚  
馬成章仙都觀裏桃千樹映麴塵十里荷塘未歸來應  
戀花洲醉玉吟香東風晴晝濃如酒正十分皓月一  
半春光燕子重來明朝傳夢西窗朝寒幾煖金鑪燼料  
洞天日月偏長杏園詩應待先題嘶馬平康

又

按原鈔是詞誤列畫錦堂調毛本同杜校从詞律改  
標慶春澤即高陽臺也今以集中分調之例移此

過種山

即越文種墓

帆落迴潮人歸故國山椒感慨重遊弓折霜寒機心已

墮沙鷗。鐙前寶劒。清風斷正五湖。雨笠扁舟。最無情巖  
上閒花。腥染春愁。當時白石蒼松路。解勒回玉輦霧  
掩山羞。木客歌闌。青春一夢荒丘。年年古苑西風。到雁  
怨啼綠水。淇秋莫登臨。幾樹殘煙西北高樓。

倦尋芳

林鍾羽

花翁遇舊歡。吳門老妓。李憐邀分韻。同賦此詞。且一  
墜餅恨。并分鏡。迷樓空閉。孤燕寄別。崔徽清瘦。畫圖春  
面不約。舟移楊柳。繫有緣人。映桃花。見敘分攜。悔香癡  
漫熱。綠鬢輕翦。聽細語琵琶。寫怨客鬢。蒼華衫袖。溼  
徧漸老芙蓉。猶自帶霜。宜看一縷情深。朱戶掩。兩痕愁  
起。青山遠。被西風。又驚吹夢雲分散。



題原鈔吳門下十分鏡毛本分空閉孤燕悔香瘢

原鈔空作只孤字宜看毛本宜字脫詞

又

上元

海霞倒影空霧飛香天市催晚暮  
麝宮梅相對畫樓簾  
捲羅襪輕塵花笑語寶釵爭豔  
春心眼亂簫聲正風柔  
柳弱舞肩交燕念窈窕東鄰深巷  
鐙外歌沈月上花  
淺夢雨離雲點點漏壺清怨珠絡  
香消空念往紗窗人  
老羞相見漸銅壺閉春陰曉寒人倦

空念往原鈔往作住毛銅壺按壺字與上漏

又

本同從詞綜

錢周糾定夫

暮帆挂雨冰岸飛梅春思零亂送客將歸偏是故宮離  
苑醉酒會同涼月舞尋芳還隔紅塵面去難留悵芙蓉  
路窄綠楊天遠便繫馬鶯邊清曉煙草晴花沙潤香  
軟爛錦年華誰念故人遊倦寒食相思隄上路行雲應  
在孤山畔寄新吟莫空回五湖春雁

三姝媚

夷則商

吹笙池上道爲王孫重來旋生芳草水石清寒過半春  
猶自燕沈鶯悄穉柳闌干晴蕩漾禁煙殘照往事依然  
爭忍重聽怨紅淒調曲榭方亭初掃印蘚迹雙鴛記  
穿林窈窕頓隔年華似夢回花上露晞平曉恨逐孤鴻客

又去清明還到便鞚牆頭歸騎青梅已老

題原鈔作詠春情毛本同刪

又

過都城舊居有感

湖山經醉慣漬春衫啼痕酒痕無限又客長安歎斷襟  
零袂宛塵誰浣紫曲門荒沿敗井風搖青蔓對語東鄰  
猶是曾巢謝堂雙燕春夢人閒須斷但怪得當年夢  
緣能短繡屋秦箏傍海棠偏愛夜深開宴舞歇歌沈花  
未減紅顏先變竚久河橋欲去斜陽淚滿

又客絕妙好詞又作久

浣塵

毛本浣作汗

但怪得

夜深

原鈔怪作惟探

作淺毛本同竝  
从陽春白雪

又

姜石帚館水磨方氏會飲總宜堂卽事寄毛荷塘

酣春青鏡裏照清波明眸暮雲愁髻半綠垂絲正楚腰

纖瘦舞衣初試燕客飄零煙樹冷青驄曾繫畫館朱樓

還把清尊慰春憔悴離苑幽芳深閉恨淺薄東風褪

花消膩綵箏翻歌最賦情偏在笑紅顰翠暗拍闌干看

散盡斜陽船市付與金衣清曉花深未起

題原鈔末四字愁髻朱樓毛本髻作橋幽芳按芳疑坊誤

金衣毛本上行

畫錦堂中呂商

舞影鐙前簫聲酒外獨鶴華表重歸舊雨殘雲仍在門

巷都非愁結春情迷醉眼老憐秋鬢倚蛾眉難忘處猶  
恨繡籠無端誤放鶯飛 當時征路遠歡事差十年輕  
負心期楚夢秦樓相遇共歎相違淚香沾溼孤山雨瘦  
腰折損六橋絲何時向窗下翦殘紅燭夜杪參移

題

原鈔作有感  
毛本同刪

漢宮春

夾鍾商

牡丹

追和尹梅津賦俞園牡丹

花姥來時帶天香國豔羞掩名姝日長半嬌半困宿酒  
微蘇沈香檻北比人閒風異煙殊春恨重盤雲墜髻碧  
花翻吐瓊盃 洛苑舊移仙譜向吳娃深館曾奉君娛  
猩脣露紅未洗客鬢霜鋪蘭詞沁壁過西園重載雙壺

休漫道花扶人醉醉花卻要人扶

題毛本首  
二字脫

又

壽梅津

名壓年芳倚竹根新影獨照清漪千年禹梁蘚碧重發  
南枝冰凝素質遣凡桃羞濯塵姿寒正峭東風似海香  
浮夜雪春霏練鵲錦袍仙使有青娥傳夢月轉參移  
逋山傍鶯繫馬玉翦新辭宮妝鏡裏笑人閒花信都遲  
春未了紅鹽薦鼎江南煙雨黃時

羞濯原鈔濯作  
濁从毛本

又

壽王虔州

懷得銀符捲朝衣歸袖猶惹天香星移太微幾度飛出  
西江吳城駐馬趁鱸肥臘蟻初嘗紅霧底金門候曉爭  
如小隊春行何用倚樓看鏡筓橘中深趣日月偏長  
江山待吟秀句梅鬢催妝東風水煥弄煙嬌語燕飛檣  
來歲醉鵲樓勝處紅圍舞袖歌裳

來歲醉

原鈔醉作  
酒从毛本

秋霽

雲麓園長橋

一水盈盈漢影隔遊塵淨洗寒綠秋沐平煙日回西照  
乍驚飲虹天北彩闌翠馥錦雲直下花成屋試縱目空

際醉乘風露跨黃鵠 追想縹緲釣雪松江恍然煙蓑  
秋夢重續問何如臨池膾玉扁舟空艤洞庭宿也勝飲  
湘然楚竹夜久人悄玉妃喚月歸來桂笙聲裏水宮六  
六

漢影

原鈔影字  
脫从毛本醉乘

毛本乘  
作來

花心動

郭清華新軒

入眼青紅小玲瓏飛檐度雲微溼繡檻展春金屋寬花  
誰管采菱波狹翠深知是深多少都不放夕陽紅入待  
裝綴新漪漲翠小圓荷葉 此去春風滿篋應時鎖蛛  
絲淺虛塵榻夜雨試鐙晴雪吹梅趁取玳簪重盃捲簾



不解招新燕春須笑酒慳歌盃半窗掩日長困生翠睫

飛檐

毛本檐作簷

吹梅

原鈔吹作次毛本同从詞譜

又

柳

十里東風嫋垂楊長似舞時腰瘦翠館朱樓紫陌青門  
處處燕鶯晴晝乍看搖曳金絲細春淺映鵝黃如酒嫩  
陰裏煙滋露染翠嬌紅溜此際雕鞍去久空追念郵  
亭短枝盈首海角天涯寒食清明淚點絮花沾袖去年  
折贈行人遠今年恨依然纖手斷腸也羞眉畫應未就

金絲細

原鈔細作衫毛本作袖从王校

去年

毛本去年作遠

龍山會

夷則商

芙蓉

陪昆陵幕府載酒雙清

夢

笑

石徑幽雲冷步障深深豔錦青紅亞小橋和夢過仙佩

香煙水茫茫城下何處不秋陰問誰借東風豔冶最嬌

嬈愁侵醉頰淚綃紅灑搖落翠莽平沙競挽斜陽駐

短亭車馬曉妝羞未墮沈恨起金谷魂飛深夜驚雁落

清歌酌花倩觥船快瀉去未捨待月向井梧梢上挂

題毛本作陪昆陵幕府諸名勝載酒雙清賞芙蓉幽雲冷詞譜冷作罍步障和

夢過仙佩毛本作障作帳過醉頰原鈔頰作霜毛淚

綃紅灑競挽毛本綃灑二字酌花倩原鈔花字脫

倩字去未捨二句毛本未作來待字脫詞譜作去來捨井梧上有玉簷遙挂

八聲甘州

靈巖

陪庾幕諸公遊

渺空煙四遠是何年青天墜長星幻蒼厓雲樹名娃金  
屋殘霸宮城箭徑酸風射眼膩水染花腥時鞞雙鴛響  
廊葉秋聲宮裏吳王沈醉倩五湖倦客獨釣醒醒問  
蒼天無語華髮柰山青水涵空闌干高處送亂鴉斜日  
落漁汀連呼酒上琴臺去秋與雲平

題

毛本作陪庾幕諸公遊靈巖

膩水

蒼天

闌干

絕妙好詞膩作劒天作波

闌干作閣凭

又

姑蘇臺

和施芸隱韻

步晴霞倒影洗閒愁深杯灩風漪望越來清淺吳飲杳

靄江雁初飛輦路凌空九險粉冷濯妝池歌舞煙霄頂  
樂景沈暉別是青紅闌檻對女牆山色碧澹宮眉問  
當時遊鹿應笑古臺非有誰招扁舟漁隱但寄情西子  
卻題詩閒風月暗消磨盡浪打鷗磯

青紅

鐵網珊瑚當時  
青作新

宮眉

原鈔宮作空毛本  
同從鐵網珊瑚

當時

寄情

鐵網珊瑚當時  
作姑餘寄作賦

又

和梅津

記行雲夢影步凌波仙衣翦芙蓉念杯前燭下十香搵  
袖玉煥屏風分種寒花舊盞蘚土蝕吳蛩人遠雲槎渺  
煙海沈蓬重訪樊姬鄰里怕等閒易別那忍相逢試

潛行幽曲心蕩口恩恩井梧彫銅鋪低亞映小眉瞥見  
立驚鴻空惆悵醉秋香畔往事朦朧

恩恩

原鈔上未空格从  
王校杜校補更字

新雁過妝樓

夾鍾羽

夢醒芙蓉風檐近渾疑佩玉丁東翠微流水都是惜別  
行蹤宋玉秋花相比瘦賦情更苦似秋濃小黃昏紺雲  
暮合不見征鴻宜城當時放客認燕泥舊迹返照樓  
空夜闌心事鐙外敗壁寒蛩江寒夜楓怨落怕流作題  
情腸斷紅行雲遠料澹蛾人在秋香月中

又

題原鈔作秋感毛本同  
陽春白雪無題据刪秋濃陽春白雪  
秋作春

中秋後一夕李方庵月庭延客命小妓過新水令坐

閒賦詞

閨苑高寒金樞動冰宮桂樹年年翦秋一半難破萬戶  
連環織錦相思樓影下鈿釵暗約小簾閒共無眠素娥  
慣得西墜闌干誰知壺中自樂正醉圍夜玉淺鬪嬋  
娟雁風自勁雲氣不上涼天紅牙潤沾素手聽一曲清  
歌雙霧鬢徐郎老恨斷腸聲在離鏡孤鸞

淒涼犯

仙呂調犯雙調

按白石道人歌曲雙調作商調原鈔是調有姜夔綠楊巷

陌一  
闕刪

重臺水仙

空江浪闊清塵凝層層刻碎冰葉水邊照影華裾曳翠

露搔淚溼湘煙暮合口塵襪凌波半涉怕臨風口欺瘦  
骨護冷素衣疊樊姊玉奴恨小鈿疏脣洗妝輕怯汜  
人最苦粉痕深幾重愁靨花隘香濃猛熏透霜綃細摺  
倚瑤臺十二金錢暈半摺

塵襪

欺瘦骨

原鈔塵上欺上未空  
格毛本同竝从王校霜綃

半摺

綃作絹  
摺字闕

尾犯

黃鍾宮

原鈔是調有柳永夜  
兩滴空階一闕刪

贈陳浪翁重客吳門

翠被落紅妝流水膩香猶共吳越十載江楓冷霜波成  
纈鐙院靜涼花乍翦桂園深幽香旋折醉雲吹散晚樹  
細蟬時替離歌咽長亭曾送客爲偷賦錦雁留別淚

接孤城渺平蕪煙闊半菱鏡青門重售采香隄秋蘭共  
結故人憔悴遠夢越來谿畔月

題

毛本陳  
字脫

鐙院靜

爲偷賦

毛本靜作  
靚爲字脫

谿畔月

按畔  
字應

用平聲  
疑誤

又

甲辰中秋

紺海掣微雲金井暮涼梧韻風急何處樓高想清光先  
得江汜冷冰綃乍洗素娥恹菱花再拭影留人去忍向  
夜深簾戶照陳迹竹房落徑小對日暮數盡煙碧露  
蓼香涇記年時相識二十五聲聲秋點夢不認屏山路  
窄醉魂幽颺滿地桂陰無人惜



風急

毛本急作息

江汜

鄭文焯曰汜疑妃

素娥怵

對日句

香

涇

毛本吹作歡對日句作對日莫教煙碧涇作輕

東風第一枝

大石調

傾國傾城非花非霧春風十里獨步勝如西子妖嬈更  
比太真澹泞鉛華不御漫道有巫山洛浦似恁地標格  
無雙鎮鎖畫樓深處 曾被風容易送去曾被月等閒  
留住似花翻使花羞似柳任從柳妒不教歌舞恐化作  
彩雲輕舉信下蔡陽城俱迷看取宋玉詞賦

題

原鈔作

澹泞

原鈔泞作汙毛本同从杜校

化作

原鈔作字脫毛本同从詞譜

夜合花

黃鍾商

自鶴江入京泊葑門有感

柳暝河橋鶯晴臺苑短策頻惹春香當時夜泊溫柔便  
入深鄉詞韻窄酒杯長翦蠟花壺箭催忙共追遊處凌  
波翠陌連棹橫塘十年一夢淒涼似西湖燕去吳館  
巢荒重來萬感依前喚酒銀罌谿雨急岸花狂趁殘鴉  
飛過蒼茫故人樓上憑誰指與芳草斜陽

鶯晴

原鈔晴作暗毛本  
同从歷代詩餘

銀罌

蒼茫

毛本罌作  
缸蒼作滄

探春慢

憶兄翁石龜

落徑深念斷無故人輕敲幽戶細草春回目送流光一  
羽重雲冷哀雁斷翠微空愁蝶舞蕩鳴漸遊蓬小夢枕  
殘雲驚寤還識西湖醉路向柳下竝鞍銀袍吹絮事

影難追那負鐙牀聞雨冰谿憑誰照影有明月乘興去  
暗相思梅孤瘦共江亭暮

探春慢

按此調見白石道人歌曲別是一體是作句律與集中探芳新同惟起二字未合疑落徑

二字誤倒同爲自題毛本作龜翁下世後登研意按度腔而異其名也是戴復古石屏集有京口別石龜翁際可詩浩然齋雅談翁時可與吳君特爲

親伯仲題稱石龜爲兄意亦時可昆弟行也落徑二句毛本作落徑曲蕩鳴嘶毛本作遊蓬殘雲

字脫

毛本雲



夢窗詞集補目錄

柳梢青

生查子

一翦梅

點絳脣

西江月

桃源憶故人

木蘭花慢

夜行船

朝中措

風入松

西江月

朝中措

聲聲慢

點絳脣

玉樓春

柳梢青

浣谿沙

一翦梅

燕歸梁

烏夜啼

浪淘沙

蹋莎行

浪淘沙

思佳客

滿江紅

極相思

思佳客

醉落魄

朝中措

杏花天

滿江紅

朝中措

夢行雲

天香

謁金門

點絳脣

夜遊宮

瑤華

思佳客

六醜

青玉案

采桑子

水龍吟

望江南

采桑子

清平樂

燕歸梁

西江月

滿江紅

夜行船

好事近

鷓鴣天

虞美人影

花上月令

卜筭子

鳳棲梧

霜天曉角

烏夜啼

夜行船

鳳棲梧

生查子

霜天曉角

西江月

戀繡衾

杏花天

醉桃源

唐多令

好事近

憶舊遊

宴清都

金縷歌

醉落魄

朝中措

青玉案

好事近

杏花天

浪淘沙

思佳客

采桑子慢

古香慢

蹋莎行



夢窗詞集補

四明 吳文英 君特

柳梢青

與龜翁登研意觀雪懷癸卯歲臘朝斷橋竝馬之遊  
斷夢遊輪孤山路杳越樹陰新流水凝酥征衫沾淚都  
是離痕 玉屏風冷愁人醉爛漫梅花翠雲傷夜船回  
惜春門掩一鏡香塵

生查子

稽山對雪有感

暮雲千萬重寒夢家鄉遠愁見越谿娘鏡裏梅花面  
醉情啼枕冰往事分釵燕三月灞陵橋心翦東風亂

一翦梅

贈友人

遠目傷心樓上山愁裏長眉別後峨眉鬢暮雲低壓小闌  
干教問孤鴻因甚先還瘦倚谿橋梅夜寒雪欲消時  
淚不禁彈翦成釵勝待歸看春在西窗燈火更闌

峨眉鬢

毛本峨作蛾  
从歷代詩餘

點絳脣

越山見梅

春未來時酒攜不到千巖路瘦還如許晚色天寒處  
無限新愁難對風前語行人去暗消春素橫笛空山暮  
西江月

賦瑤圃青梅枝上晚花

枝嫋一痕雪在葉藏幾豆春濃玉奴最晚嫁東風來結  
梨花幽夢香力添熏羅被瘦肌猶怯冰綃綠陰青子  
老谿橋羞見東鄰嬌小

桃源憶故人

越山青斷西陵浦一片密陰疏雨潮帶舊愁生暮曾折  
垂楊處桃根桃葉當時渡嗚咽風前柔艣燕子不留  
春任空寄離檣語

木蘭花慢

壽秋壑

記瓊林宴起輭紅路幾西風想漢影千年荆江萬頃槎

信長通金狨錦鞵賜馬又霜橫漢節棗仍紅細柳春陰

喜色四郊秋事年豐從容歲晚玉關長不閉靜邊鴻

訪武昌舊壘山川相繆日費詩筩蘭宮繫書翠羽帶天

香飛下玉芙蓉明月瑤笙奏徹倚樓黃鶴聲中

樣信毛本樣作棗仍紅王校棗作棗按秋壘生日在

為淳祐九年是詞殆作於是年八月正用郊風語義

塞外恰棗紅時節想羽書

夜行船

贈趙梅壑

碧甃清漪方鏡小綺疏淨半塵不到古鬲香深宮壺花

換留取四時春好樓上眉山雲窈窕香衾夢鎮疏清

曉竝帶蓮開合歡屏煥玉漏又催朝早

窈窕

毛本作窈窕  
窈从杜本

朝中措

贈趙梅壑

吳山相對越山青  
湘水一春平  
粉字情深題葉紅  
波香染浮萍  
朝雲暮雨玉壺塵  
世金屋  
瑤京晚雨西陵潮  
汎沙鷗不似身輕

風入松

壽梅壑

一帆江上暮潮平  
騎鶴過瑤京  
湘波山色青天外  
紅香蕩玉佩  
東丁西圃仍圓夜  
月南風微弄秋聲  
阿咸才

俊玉壺冰王母最憐生萬年枝上千年葉垂楊鬢春共  
青青連喚碧筩傳酒雲回一曲雙成

西江月

登蓬萊閣看桂

清夢重遊天上古香吹下雲頭簫聲三十六宮愁高處  
花驚風驟客路羈情不斷闌干晚色先收千山濃綠  
未成秋誰見月中人瘦

朝中措

題陸桂山詩集

殷雲彫葉晚晴初籬落認奚奴纔近西窗鏡火旋收殘  
夜琴書秋深露重天空海闊玉界香浮木落秦山清

瘦西風幾許工夫

聲聲慢

和沈時齋八日登高韻

憑高入夢搖落關情寒香吹盡空巖墜葉消紅欲題秋  
訊難緘重陽正隔殘照趁西風不響雲尖乘半暝看殘  
山灌翠賸水開匳暗省長安年少幾傳杯弔甫把菊  
招潛身老江湖心隨飛雁天南烏紗倩誰重整映風林  
鉤玉纖纖漏聲起亂星河入影畫檐

點絳脣

和吳見山韻

金井空陰枕痕歷盡秋聲鬧夢長難曉月樹愁鴉悄

梅壓檐梢寒蝶尋香到窗黏了翠池春小波冷鴛鴦覺

又

有懷蘇州

明月茫茫夜來應照南橋路夢遊熟處一枕啼秋雨  
可惜人生不向吳城住心期誤雁將秋去天遠青山暮  
玉樓春

和吳見山韻

闌干獨倚天涯客心影暗彫風葉寂千山秋入雨中青  
一雁暮隨雲去急霜花強弄春顏色相弔年光澆大  
白海煙沈處倒殘霞一杼鮫綃和淚織

柳梢青



題錢得閒四時圖畫

翠嶂圍屏留連迅景花外  
油亭澹色煙昏濃光清曉  
一幅閒情 朝川落日漁  
罾寫不盡人間四并亭上  
秋聲

鶯籠春語難入丹青

煙昏

按二字疑倒常鶯籠毛本籠作與下清曉爲對鶯籠能于校

浣谿沙

陳少逸席上用聯句韻有贈

秦黛橫愁送暮雲越波秋淺  
暗啼昏空庭春草綠如裙  
綵扇不歌原上酒青門頻返  
月中魂花開空憶倚闌

又人

夢初  
五  
一曲鸞簫別彩雲燕釵塵  
照鏡華昏灞橋舞色褪藍裙  
湖上醉迷西子夢江頭春斷倩離魂  
旋緘紅淚寄行人

一翦梅

賦處靜以梅花枝見贈

老色頻生玉鏡塵雪澹春姿越看精神  
谿橋人去幾黃昏流水泠泠都是啼痕  
煙雨輕寒暮掩門萼綠鐙前酒帶香  
温風情誰道不因春春到一分花瘦一分  
燕歸梁

對雪醒坐上雲麓先生

一片遊塵拂鏡灣素影護梅殘行人無語看春山背東

風兩蒼顏 夢飛不到 梨花外 孤館閉 五更寒 誰憐消

渴老文園 聽谿聲瀉冰泉

五更寒 毛本五字脫 从花草粹編

烏夜啼

題趙三畏舍館海棠

醉痕深 暈潮紅 睡初濃 寒食來時 池館舊 東風 銀燭

換月西轉 夢魂中 明日春和人去 繡屏空

浪淘沙

有得越中故人贈楊梅者為賦贈

綠樹越谿灣 過雨雲殷 西陵人去暮潮還 鉛淚結成紅

粟顆封寄長安 別味帶生酸 愁憶眉山小樓 鐙外棟

花寒衫袖醉痕花睡在猶染微丹

棟花  
毛本棟作  
練从杜校

蹋莎行

潤玉籠綃檀櫻倚扇繡圈猶帶脂香淺榴心空疊舞裙  
紅艾枝應壓愁鬢亂 午夢千山窗陰一箭香癡新褪  
紅絲腕隔江人在雨聲中晚風菰葉生秋怨

浪淘沙

九日從吳見山覓酒

山遠翠眉長高處淒涼菊花清瘦杜秋娘淨洗綠杯牽  
露井聊薦幽香 烏帽壓吳霜風力偏狂一年佳節過  
西廂秋色雁聲愁幾許都在斜陽

思佳客

賦半面女髑髏

釵燕攏雲睡起時  
隔牆折得杏花枝  
青春半面妝如畫  
細雨三更花又飛  
輕愛別舊相知  
斷腸青塚幾斜暉  
亂紅一任風吹起  
結習空時不點衣

滿江紅

餞方蕙巖赴闕

竹下門敲又呼起  
胡蝶夢清閒  
裏看鄰牆梅子幾度仁  
生鐙外江湖多夜雨  
月邊河漢獨晨星  
向草堂清曉捲  
琴書猿鶴驚  
宮漏靜朝馬鳴  
西風起已關情  
料希音不在女瑟媧  
笙蓮蕩折花香未晚  
野舟橫渡水初晴  
看

高鴻飛上碧雲中秋一聲

極相思

題陳藏一水月梅扇

玉纖風透秋痕涼與素懷分乘鸞歸後生綃淨翦一片  
冰雲心事孤山春夢在到思量猶斷詩魂水清月冷  
香消瘦影人立黃昏

思佳客

閩中秋

丹桂花開第二番東籬展卻宴期寬人閒寶鏡離仍合  
海上仙槎去復還分不盡半涼天可憐閒賸此嬋娟  
素娥未隔三秋夢贏得今宵又倚闌

仍合鐵網珊瑚  
仍作還

醉落魄

題蕩花洲尼扇

春溫紅玉織衣學翦嬌鴉綠夜香燒短銀屏燭偷擲金  
錢重把寸心卜翠深不礙鴛鴦宿采菱誰記當時曲  
青山南畔紅雲北一葉波心明滅澹妝束

朝中措

題蘭室道女扇

楚皋相遇笑盈盈江碧遠山青露重寒香有恨月明秋  
佩無聲銀鐙炙了金鑪燼煥眞色羅屏病起十分清  
瘦夢闌一寸春情

杏花天

詠湯

蠻薑豆蔻相思味，筓卻在春風舌底。  
江清愛與消殘醉，憔悴文園病起。  
停嘶騎歌眉送意，記曉色東城夢裏。  
紫檀暈淺香波細，腸斷垂楊小市。

蠻薑

按集中瑞龍吟詞有蠻江豆蔻句用腸斷毛本  
韓偓蠻江豆蔻連生語也薑為江語腸斷腸作

腰从歷代詩餘

滿江紅

劉朔齋賦菊和韻

露浥初英早，遺恨參差九口。  
還卻笑，莫隨節過，桂彫無色。  
杯面寒香蜂共汎，籬根秋訊蛩催織。  
愛玲瓏，飾月水



屏風千枝結 芳井韻寒泉咽霜著處微紅溼共評花  
索句看誰先得好漉烏巾連夜醉莫愁金鈿無人拾筭  
遺蹤猶有枕囊留相思物

朝中措

聞桂香

海東明月鎖雲陰花在月中心天外幽香輕漏人閒仙  
影難尋 并刀翦葉一枝曉露綠鬢曾簪惟有別時難  
忘冷煙疏雨秋深

夢行雲

原注卽六么花十八

和趙修全韻

簾波皺纖縠朝炊熟眠未足青奴細膩未拌眞珠斛素

蓮幽怨風前影搔頭斜墜玉  
畫闌枕水垂楊梳雨青  
絲亂如乍沐嬌笙微韻晚蟬理秋曲翠陰明月勝花夜  
那愁春去速

理秋曲

毛本理作亂从  
杜引毛斧季校

天香

壽筠塘內子

碧藕藏絲紅蓮竝蒂荷塘水煥香斗窈窕文窗深沈書  
幔錦瑟歲華依舊洞簫韻裏同跨鶴青田碧岫菱鏡妝  
臺挂玉芙蓉豔褥鋪繡西鄰障蓬澡手共華朝夢蘭  
分秀未冷綺簾猶捲淺冬時候秋到霜黃半畝便準擬  
攜花就君酒花酒年華天長地久

題

按詞首三句  
意筠疑荷誤

澡手

夢蘭

毛本澡作漂蘭  
作闌並从王校

謁金門

和勿齋韻

雞唱晚斜照西窗白煥一枕午醒幽夢遠素衾春絮軟

紫燕紅樓歌斷錦瑟華年一箭偷果風流輸曼倩晝

陰生繡線

點絳脣

香汎羅屏夜寒著酒宜偎倚翠偏紅墜喚起芙蓉睡

一曲伊州秋色芭蕉裏嬌和醉眼情心事愁隔湘江水

夜遊宮

人去西樓雁杳敘別夢揚州一覺雲澹星疏楚山曉聽

啼鳥立河橋話未了  
雨外蛩聲早細織就霜絲多少  
說與蕭娘不知道向長安對秋燈幾人老

星疏

毛本作疏星  
從歷代詩餘

瑤華

分韻得作字戲虞宜興

秋風采石羽扇揮兵認紫騮飛躍江籬塞草應笑春空  
鎖凌煙高閣胡歌秦隴問鐃鼓新詞誰作有秀蓀來染  
吳香瘦馬青芻南陌冰澌細響長橋蕩波底蛟腥不  
浣霜鏢烏絲醉墨紅袖煥十里湖山行樂老仙何處筭  
洞府光陰如昨想地寬多種桃花豔錦東風成幄  
思佳客

癸卯除夜

自唱新詞送歲華  
鬢絲添得老生涯  
十年舊夢無尋處  
幾度新春不在家  
衣嬾換酒難賒  
可憐此夕看梅花  
隔年昨夜青鐙在  
無限妝樓盡醉譁

醉譁毛本作翠華與上韻復从鄭文焯校

六醜

壬寅歲吳門元夕風雨

漸新鵝映柳茂苑鎖東風  
初掣館娃舊遊羅襦香未滅  
玉夜花節記向留連處  
看街臨晚放小簾低揭星河澹  
灩春雲熱笑鬢敲梅仙衣舞纈  
澄澄素娥宮闕醉西樓  
十二銅漏催徹  
紅消翠歇歎霜簪練髮過眼年光舊

情盡別泥深厭聽啼鳩恨愁霏潤沁陌頭塵襪青鸞杳  
鈿車音絕卻因甚不把歡期付與少年華月殘梅瘦飛  
趁風雪向夜永更說長安夢燈花正結

向夜永毛本向作丙从王校按  
永疑來誤是處應平聲

青玉案

重遊谿葵園

東風客雁谿邊道帶春去隨春到認得蹋青香徑小傷  
高懷遠亂雲深處日斷湖山杳梅花似惜行人老不  
忍輕飛送殘照一曲秦娥春態少幽香誰采舊寒猶在  
歸夢啼鶯曉

題王校云丙稿祝英臺近題曰春日客龜  
谿遊廢圃疑谿上脫龜字葵為廢譌

采桑子

瑞香

茜羅結就丁香顆  
顆顆相思猶記年時一曲春風酒一  
卮彩鸞依舊乘雲到不負心期清睡濃時香趁銀屏  
胡蝶飛

濃時

杜校時  
重韻

水龍吟

雲麓新葺北墅園池

好山都在西湖斗城轉北多流水屋邊五畝橋通雙沼  
平煙蘸翠旋疊雲根半開竹徑鷗來須避四時長把酒  
臨花傍月無一日不春意獨樂當時高致醉吟篇如

今還繼舉頭見日葵心傾□□□歸計浮碧亭□汎紅  
波迴桃源人世待天香□□開時又勝翠陰青子

舉頭

亭

毛本頭字脫亭下  
未空格並从杜校

望江南

三月暮花落更情濃人去鞦韆閒挂月馬停楊柳倦嘶  
風隄畔畫船空 懨懨醉長日小簾櫳宿燕夜歸銀燭  
外啼鶯聲在綠陰中無處覓殘紅

采桑子

水亭花上三更月扇與人閒弄影闌干玉燕重抽攏墜  
簪心期偷卜新蓮子秋入眉山翠破紅殘半簾湘波  
生曉寒



清平樂

書梔子扇

柔柯翦翠胡蝶雙飛起誰墮玉鈿花徑裏香帶薰風臨  
水露紅滴□秋枝金泥不染禪衣結得同心成了任  
教春去多時

燕歸梁

書水仙扇

白玉搔頭墜髻鬆怯冷翠裙重當時離佩解了東澹雲  
低暮江空青絲結帶鴛鴦瓊歲華晚又相逢綠塵湘  
水避春風步歸來月宮中

西江月

江上桃花流水天涯芳草青山樓臺春鎖碧雲灣都入  
行人望眼一鏡波平鷗去干林日落鴉還天風嫋嫋  
送輕帆鷺過星槎銀漢

日落

毛本作落日按此與波平為對从王校

滿江紅

翠幕深庭露紅晚閒花自發春不斷亭臺成趣翠陰蒙  
密紫燕雛飛簾額靜金鱗影轉池心闊有花香竹色賦  
閒情供吟筆閒問字評風月時載酒調冰雪似初秋  
入夜淺涼欺葛人境不教車馬近醉鄉莫放笙歌歇倩  
雙成一曲紫雲迴紅蓮折

夜行船

寓化度寺

鴉帶斜陽歸遠樹無人聽數聲鐘暮日與愁長心灰香  
斷月冷竹房扃戶畫扇青山吳苑路傷懷袖夢飛不  
去憶別西池紅綃盛淚腸斷粉蓮啼露

好事近

僧房聽琴

翠冷石牀雲海上偷傳新曲彈作一檐風雨碎芭蕉寒  
綠冰泉輕瀉翠筍香林果薦紅玉早是一分秋意到  
臨窗修竹

鷓鴣天

化度寺作

池上紅衣伴倚闌，棲鴉常帶夕陽還。殷雲度雨疏桐落，  
明月生涼寶扇閒。鄉夢窄，水天寬。小窗愁黛澹秋山。  
吳鴻好爲傳歸信，楊柳闌門屋數閒。

虞美人影

詠香橙

黃包先著風霜勁，獨占一年佳景。點點吳鹽雪，凝玉膾  
和齏冷。洋園誰識黃金徑。一棹洞庭秋興，香薦蘭皋  
湯鼎。殘酒西窗醒。

花上月令

文園消渴愛江清，酒腸怯怕深觥。玉舟曾洗芙蓉水，瀉  
清冰。秋夢淺，醉雲輕。庭竹不收簾影去，人睡起，月空

明瓦餅汲井和秋葉薦吟醒夜深重怨遙更

夜深重

詞譜重作裏按深疑涼譎重不誤

吟

星按醒疑酉醒譎

卜筭子

涼挂曉雲輕聲度西風小井上梧桐應未知一葉雲鬢

嫋來雁帶書遲別燕歸程早頻探秋香開未開恰似

春來了

鳳棲梧

甲辰七夕

開過南枝花滿院新月西樓相約同針線高樹數聲蟬

送晚歸家夢向斜陽斷夜色銀河情一片輕帳偷歡

銀燭羅屏怨陳迹曉風吹霧散簾鉤空帶蛛絲捲

霜天曉角

題胭脂嶺陶氏門

煙林褪葉紅藉遊人屨十里秋聲松路嵐雲重翠濤涉  
竚立閒素筵畫屏蘿嶂疊明月雙成歸去天風裏鳳

笙淡

紅藉毛本紅下行藉字詞繫改作偶杜梭從之按是  
系藉調有四十三字四十四字二體毛本藉字涉下

藉字  
誤衍

烏夜啼

桂花

西風先到巖扃月籠明金露啼珠滴翠小銀屏  
顚一星星是秋情香裂碧窗煙破醉魂醒

夜行船

逗曉闌干沾露水歸期杳畫檐鵲喜粉汗餘香傷秋中  
酒月落桂花影裏屏曲巫山和夢倚行雲重夢飛不  
起紅葉中庭綠塵斜口應是寶箏慵理

鳳棲梧

化度寺池蓮一花最晚有感

湘水煙中相見早羅蓋低籠紅拂猶嬌小妝鏡明星爭  
晚照西風日送凌波杳惆悵來遲羞窈窕一霎留連  
相伴闌干悄今夜西池明月到餘香翠被空秋曉

生查子

秋社

當樓月半窗曾買菱花處  
愁影背闌干素髮殘風露  
神前雞酒盟歌斷秋香戶  
泥落畫梁空夢想青春語

霜天曉角

香莓幽徑滑縈繞秋曲折  
簾額紅搖波影魚驚墜  
暗吹沫浪闊輕棹撥  
武陵曾話別一點煙紅  
春小桃花夢

半林月

西江月

丙午冬至

添線繡牀人倦翻香羅  
幕煙斜五更簫鼓貴人家  
門外曉寒嘶馬帽壓半檐  
朝雪鏡開千靨春霞小  
帘沾酒看梅花夢到林逋山下



戀繡衾

頻摩書眼怯細文小窗陰天氣似昏獸鑪煥慵添困帶  
茶煙微潤寶薰少年嬌馬西風冷舊春衫猶宛酒痕  
夢不到梨花路斷長橋無限暮雲

杏花天

鬢棱初翦玉纖弱早春入屏山四角少年買困成歡謔  
人在濃香繡幄霜絲換梅殘夢覺夜寒重長安紫陌  
東風入戶先情薄吹老鐙花半萼

醉桃源

元日

五更櫪馬靜無聲鄰雞猶怕驚日華平曉弄春明暮寒

愁翳生 新歲夢去年情殘宵半酒醒春風無定落梅

輕斷鴻長短亭 右六十八闕見汲古閣本

唐多令

何處合成愁離人心上秋縱芭蕉不雨也颼颼都道晚  
涼天氣好有明月怕登樓 年事夢中休花空煙水流  
燕辭歸客尚淹留垂柳不繫裙帶住漫長是繫行舟

題 花庵中興詞  
選作惜別刪

好事近 按此闕汲古閣刻蒲江詞有之  
今考明鈔足本蒲江詞不載

雁外雨絲絲將恨和愁都織玉骨西風添瘦減尊前歌  
力 袖香曾枕醉紅顚依約唾痕碧花下凌波入夢引

春雛雙鷓

題花庵中興詞  
是選作秋飲刪

憶舊遊

別黃澹翁

送人猶未苦苦送春隨人去天涯片紅都飛盡口陰陰  
潤綠暗裏啼鴉賦情頓雪雙鬢飛夢逐塵沙歎病渴淒  
涼分香瘦減兩地看花西湖斷橋路想繫馬垂楊依  
舊敲斜葵麥迷煙處問離巢孤燕飛過誰家故人爲寫  
深怨空壁掃秋虵但醉上吳臺殘陽草色歸思賒

陰陰

花庵本上未空格毛  
本同杜校補正字

宴清都

病渴文園久梨花月夢殘春故人舊愁彈枕雨衰翻帽

雪爲情倻懔千金醉躍驕驄試問取朱橋翠柳痛恨不  
買斷斜陽西湖醞入春酒吳宮亂水斜煙留連倦客  
慵更回首幽蛩韻苦哀鴻叫絕斷音難偶題紅汎葉零  
亂想夜冷江楓暗瘦付與誰一半悲秋行雲在否

金縷歌

陪履齋先生滄浪看梅

喬木生雲氣訪中興英雄陳迹暗追前事戰艦東風慳  
借便夢斷神州故里旋小築吳宮閒地華表月明歸夜  
鶴歎當時花竹今如此枝上露濺清淚遊頭小簇行  
春隊步蒼苔尋幽別隴問梅開未重唱梅邊新度曲催  
發寒梢凍蕊此心與東君同意後不如今今非昔兩無

言相對滄浪水懷此恨寄殘醉右五闕見花庵中興詞選

醉落魄

院姬口主出爲戍婦

柔懷難託老天如水人情薄燭痕猶刻西窗約歌斷梨雲留夢繞羅幕寒更唱徧吹海角香消臂趁弓弣削  
主家衣在羞重著獨掩營門春盡柳花落

朝中措

晚妝慵理瑞雲盤針線傍鐙前燕子不歸簾捲海棠一夜孤眠  
蹋青人散遺鈿滿路雨打鞦韆尙有落花寒  
在綠楊未褪春絲右二闕見陽春白雪

青玉案

短亭芳草長亭柳記桃葉煙江口今日江村重載酒殘  
杯不到亂紅青塚滿地閒春繡翠陰曾摘梅枝嗅還  
憶鞦韆玉蔥手紅索倦將春去後薔薇花落故園胡蝶  
粉薄殘香瘦

又

新腔一唱雙金斗正霜落分甘手已是紅窗人倦繡春  
詞裁燭夜香溫被怕減銀壺漏吳天雁曉雲飛後百  
感情懷頓疏酒綵扇何時翻翠袖歌邊拌取醉魂和夢  
化作梅邊瘦

好事近

飛露灑銀牀葉葉怨梧啼碧斲竹粉連香汗是秋來陳

迹藕絲空纜宿湖船夢闊水雲窄還繫鴛鴦不住老  
紅香月白

杏花天

重午

幽歡一夢成炊黍知綠暗汀菰幾度竹西歌斷芳塵去  
寬盡經年臂縷梅黃後林梢更雨小池面啼紅怨暮  
當時明月重生處樓上宮眉在否

浪淘沙

燈火雨中船客思  
縣縣離亭春草又秋煙似與輕鷗盟  
未了來去年年  
往事一潸然莫過西園  
淩波香斷綠  
落錢燕子不知春事  
改時立鞦韆

思佳客

迷蝶無蹤曉夢沈寒香深閉小庭心欲知湖上春多少  
但看樓前柳淺深愁自遣酒孤斟一簾芳景燕同吟  
杏花宜帶斜陽看幾陣東風晚又陰

采桑子慢

九日

桐敲露井殘照西窗人起悵玉手曾攜烏紗笑整風敲  
水葉沈紅翠微雲冷雁慵飛樓高莫上魂消正在搖落  
江籬走馬斷橋玉臺妝榭羅帕香遺歎人老長安鎧  
外愁換秋衣醉把茱萸細看清淚溼芳枝重陽重處寒  
花怨蝶新月東籬右七闋見絕妙好詞



烏紗按詞律紗字應誤妝榭鄭文焯曰榭當作謝與香遺爲對

古香慢自度腔夷則商犯無射宮

賦滄浪看桂

怨娥墜柳離佩搖蕙霜訊南圃漫憶橋扉倚竹袖寒日  
暮還問月中遊夢飛過金風翠羽把殘雲賸水萬頃暗  
熏冷麝淒苦漸浩渺凌山高處秋澹無光殘照誰主  
露粟侵肌夜約羽林輕誤翦碎惜秋心更腸斷珠塵蘚  
路怕重陽又催近滿城風雨右見鐵網珊瑚

蹋莎行

敬賦草窗絕妙詞

楊柳風流蕙花清潤蘋口未數張三影沈香倚醉調清

平新辭□□□□□  
 鯨室裁綃□□□□□  
 白雪  
 爭歌郢西湖同結杏花盟東風休賦丁香恨  
右見蘋洲漁笛譜附錄

夢窗詞集小箋

歸安朱孝臧

花庵中興絕妙詞選吳君特名文英自號夢窗四明人從吳履齋諸公遊山陰尹煥敘其詞略曰求詞於吾宋者前有清真後有夢窗此非煥之言四海之公言也按蘋洲漁笛譜附錄夢窗所題蹋莎行又稱覺翁蓋晚年之號毛晉夢窗詞跋或云夢窗詞一卷或又云凡四卷以甲乙丙丁釐目或又云君特謝世後同遊集其丙丁兩年稿釐爲二卷

尉遲杯 楊公小蓬萊

雲煙過眼錄楊彥瞻伯岳號泳齋絕妙好詞箋楊伯岳字彥瞻楊和王諸孫淳祐閒除工部郎出守衢

州錢塘薛尚功之外孫弁陽周公謹之外舅也有六  
帖補二十卷九經補韻一卷行於世 癸辛雜識先  
子爲衢倅時外舅楊彥瞻知郡 蘋洲漁笛譜長亭  
怨慢序歲丙午丁未先君子監州太末時刺史楊泳  
齋員外別駕牟存齋西安令翁浩堂郡博士洪恕齋  
一時名流星聚倅居據龜阜先子作堂曰嘯詠撮登  
覽要後俯官河相望一水則小蓬萊在焉諸公載酒  
論文清彈豪吹筆硯琴尊之樂蓋無虛日也

瑞鶴仙 絲鞋莊生

咸淳臨安志內諸司御絲鞋局 老學庵筆記禁中  
專有絲鞋局供御絲鞋不知其數壽皇卽位惟臨朝

服絲鞋退卽以羅鞋易之  
南宋雜事詩注莊生蓋  
當時供奉者

又 丙午

按丙午爲理宗淳祐六年

又 史雲麓

癸辛雜識史宅之字子仁號雲麓彌遠之子也按甯  
波府志史子仁心非叔父彌遠所爲著昇聞錄以寓  
規諫避勢遠嫌退處月湖甯宗御書碧沚賜之不云  
彌遠子

又 癸卯歲壽方蕙巖

按癸卯爲理宗淳祐三年 詩品眾芳方萬里字鵬

飛號蕙巖 按武衍適安稿有聞角呈宗諭方蕙巖

詩

又 道女陳華山內夫人

按集中有蝶戀花題華山道女扇詞內夫人疑是宮人入道者

滿江紅 澱山湖

元史河渠志太湖爲浙西巨浸上受杭湖諸山水瀦蓄之餘分匯爲澱山湖東流入海 名勝志薛澱湖亦名澱山湖以其中有澱山也 王鏊姑蘇志澱山湖界長洲崑山吳江三縣之間吐納東南諸水北諸湖特大玉峰續志云湖屬華亭惟此岸屬崑山耳

又 甲辰歲盤門外寓居

按甲辰爲理宗淳祐四年 吳郡志盤門吳地記云  
吳嘗名蟠門刻木作蟠龍以鎮此又云水陸縈回徘徊  
屈曲故謂之盤

繞佛閣 沈野逸 盧樓

洞霄詩集野逸名中行 按集中有醉桃源贈盧長  
笛詞疑卽樓之主人詞云沙河塘上舊遊嬉盧郎年  
少時沙河塘在錢塘縣南五里

水龍吟 惠山酌泉

陸羽遊慧山寺記慧山古華山也山有九隴俗謂九  
隴山或云九龍山或云鬪龍山梁大同中有青蓮花

育於此山因以古華山精舍爲慧山寺寺在無錫縣西七里寺前有曲水亭其水九曲寺中有方池一名千葉蓮花池一名纏塘一名浣沼 慧山記慧山於錫諸山最大其脈宛轉歷天目而來至是峰九起故又曰九龍泉出龍首爲第一峰慧之爲山以泉名唐人陸羽品爲天下第二故名第二泉又名陸子泉源出石中

又 張斗墅家古松五粒

南宋羣賢小集邗州張蘊字仁溥有斗野支稿 按尤袤詩注斗野亭在江都邵伯鎮梵行院之側仁溥邗人或取以爲號徐光溥自號錄作斗墅墅字疑兼



涉野堊而訛 癸辛雜識李賀有五粒小松歌陸龜  
蒙松齋一夜懷貞白霜外空聞五粒風李義山松暗  
翠粒新酉陽雜俎云五粒者當言鬣自有一種名五  
鬣皮無鱗甲而結實多新羅所種所謂粒者鬣也

又 嗣榮王

宋史理宗紀父希璠追封榮王家於紹興府山陰縣  
又度宗紀父嗣榮王與芮理宗母弟也 又世系  
表希璠子與芮

又 尹梅津

絕妙好詞箋尹煥字惟曉山陰人嘉定十年進士自  
畿漕除右司郎官有梅津集

又 秋壑湖上舊居

齊東野語景定三年正月詔以魏國公賈似道有再造功命有司建第宅家廟賈固辭遂以集芳園及緡錢百萬賜之前揖孤山後據葛嶺兩山映帶一水橫陳各隨地勢以構架焉通名之曰後樂園又以爲未足則於第之左數百步瞰湖作別墅通謂之水竹院落焉

解語花 處靜

絕妙好詞箋翁元龍字時可號處靜句章人浩然齋雅談時可與吳君特爲親伯仲作詞各有所長世多知君特而知時可者甚少 按沈義父樂府指迷

壬寅秋識靜翁癸卯識夢窗亦連舉之靜翁疑卽處靜

宴清都 嗣榮王仲亨

按仲亨當是與芮之字

又 榮王夫人

宋史度宗紀帝嘉熙四年四月九日生於紹興府榮  
邸初嗣榮王夫人錢氏夢日光照東室是夕齊國夫  
人黃氏亦夢神人采衣擁一龍納懷中已而有娠及  
生室有赤光理宗在位歲久無子乃屬意託神器焉  
詞云長虹夢入仙懷又齊天樂壽榮王夫人云鶴胎  
曾夢電繞皆當時實事也

齊天樂 與馮深居登禹陵

宋史列傳馮去非字可遷南康都昌人淳祐元年進士幹辦淮東轉運司寶祐元年召爲宗學諭絕妙好詞箋馮去非號深居按長沙釋道璨有哭馮深居常簿詩是深居又官太常也一統志禹陵在會稽山禹廟側宋乾德中嘗復會稽縣五戶奉禹陵禁樵採

又齊雲樓

盧熊蘇州府志齊雲樓在郡治後子城上相傳卽古月華樓也吳地記云唐曹恭王所造白公詩亦云改號齊雲樓蓋取西北有高樓上與浮雲齊之義又據

此則自樂天始也治平中裴煜建爲飛雲閣政和五  
年秋重作齊雲樓成紹興十四年王喚重建兩挾循  
城爲屋數閒有二小樓翼之嘉定六年陳芾十六年  
沈皞嘉熙二年史宅之並重修有記按此詞疑史宅  
之重修時作

又 毘陵

漢書地理志會稽郡縣毘陵注季札所居舊延陵漢  
改之 宋史地理志兩浙路常州望毘陵郡

丹鳳吟 陳宗之

按瀛奎律髓趙師秀贈賣書陳秀才詩注云陳起字  
宗之睦親坊賣書開肆又劉後村贈陳起詩云陳侯

生長繁華地，卻似芸香自沐薰。注此所謂賣書陳彥才亦曰：陳道人則宗之，卽書棚陳道人也。又按江湖前後諸集皆陳起所編，宋季高逸之士詩篇刻以傳世，詞中所云舊雨江湖遠，蓋指此。

掃花遊 芸隱

南宋羣賢小集施樞字知言有芸隱橫舟倦遊二稿。按集中有木蘭花慢施芸隱留別用其韻以餞詞。

又 古江村

馮桂芬蘇州府志西園在閶門西，洛人趙思別業也。張孝祥大書其扁曰古江村，中有足娛堂。

又 瑤圃

按榮邸瑤圃在紹興見癸辛雜識

法曲獻仙音 放琴客和宏庵韻

按琴客爲柳渾侍兒唐顧況有宜城放琴客歌此則假以稱人妾也 絕妙好詞箋丁宥字基仲號宏庵

蕙蘭芳引 賦藏一家吳郡王畫蘭

四庫提要藏一話腴四卷宋陳郁撰郁字仲文號藏一臨川人理宗朝充緝熙殿應制又充東宮講堂掌書始末略見其子世崇隨隱漫錄中 宋史外戚傳吳益字叔謙蓋字叔平俱憲聖皇后弟也以恩補官帝與后皆喜翰墨故益蓋兄弟師法亦有書名益封太甯郡王蓋封新興郡王 書史會要吳居父太甯

郡王益之子世稱吳七郡王性寡嗜好日臨古帖以  
自娛字畫類米芾以詞翰被遇孝宗按居父名琚  
號雲壑歷尚書郎部使者直學士慶元閒以鎮安節  
度使留守建康遷少保卒諡忠惠有雲壑集

隔浦蓮近長橋

吳郡志利往橋卽吳江長橋也慶歷八年縣尉王廷  
堅所建有亭曰垂虹而後因以名橋續圖經云東西  
千餘尺前臨太湖洞庭三山橫跨松江海內絕景也

垂絲釣近落花

續博物志牡丹初不載文惟以藥見本草唐則天以  
後落花始盛沈宋元白亦不及也按宋人稱牡丹



曰大花或曰洛花歐陽修牡丹記洛花以穀雨爲開  
候周密蘋洲漁笛譜楚宮春爲洛花度無射宮是也  
荔枝香近 南徐

宋書地理志元嘉八年立南徐以東海爲治下郡以  
丹徒屬焉

西河 陪鶴林登袁園

宋詩紀事吳泳字叔永號鶴林潼川人嘉定元年進  
士理宗朝仕至起居舍人兼直學士院權刑部尙書  
終寶章閣學士知泉州有鶴林集 按劉光祖號鶴  
林紹熙閒名臣先於夢窗丁南亦號鶴林居烏墩見  
烏青文獻 又按吳履齋有水調歌頭小憩袁氏園

詞

浪淘沙慢 李尙書山園

按南宋李姓官尙書與夢窗同時者據宋史凡三人  
李鳴復字成叔瀘州人嘉定二年進士拜侍御史兼  
侍講權工部尙書兼吏部端平三年拜參知政事李  
知孝字孝章光之孫嘉定四年進士拜殿中侍御史  
紹定五年遷工部尙書李曾伯字長孺潭懷人居嘉  
興官淮東制置使進權工部尙書夢窗所賦山園當  
是曾伯曾伯居嘉興宜有園在浙西也又李伯玉亦  
權禮部尙書在度宗卽位數年之後時代不甚相合  
矣